

## **Universitätsbibliothek Paderborn**

### **Exemplorvm Libri Tres**

Liber Tertivs, Sive Exempla Divinae Irae, Per Opera Poenitentiae, Nobis  
Leniendae - Per Qvadragesimam Anno M. DC. XLVIII. narrata

**Stengel, Georg**

**Ingolstadii, 1650**

§. 4. Admiranda Petri conuersio, & Dei misericordia.

[urn:nbn:de:hbz:466:1-48194](#)

posse, cum alia vice celeberrimis quibusdam ferijs, inter concionandum, videret denuo Petrum in templum, cum pompa sua pedem inferre, interrupto sermonis filo, repente alta voce exclamauit: Christe, prudens, & praeponens, perfice ut auditores mei, eius, qui modo in eadem tuam pedem intulit, miseram condicione, animo statum, periculumque peruident. Nempe quod ipse nuper viderat, tunc cupiebat etiam a populo videri; ut unius in ruborem dati exemplo plures corrigerentur. Audijt Christus orantem Dominicum, ac diuina vi effecit, ut qui aderant concioni, itidem intuerentur mille cacodæmonum spectra, Petri animam captiuam, ferroque deuinctam, quo impetus ferret, pertrahentia. Ibi alijs rei nouitatem admirantibus, alijs spectaculi insolentia exterritis, ingens repente exortus est clamor, concitatusque tumultus horribilis, fugientium, vociferantium, perstrepentium, ut ab inniso immani monstro sibi quisque caueret hortantium, belluamque trucem auersantum: imminere omnibus tartarum, quem Petrus circumferret; inque fuga esse salutem. Ad has vocum incredibiles contentiones, terroresque multorum, inscius Petrus obstupeuit, & ex uno famulorum tremefacto, cur ipse fugeret, quasiuit, curque alij palantes ac dispersi recederent, & pauerent attoniti, inuestigauit? Ista, inquit famulus, me tua facies & figura concurbat, qua non meum mihi herum ac dominum, sed satanam representat. Te Erebis pro suo habet, vincit, rapit, & raptat manus inferna. Hinc fuga popularis, murmur, terror, & consternatio plurimorum. Ipsa quoque nobilis uxor exclamat, simul atque Dei voluntate mariti sui miseriam, & Tartareos illos vexatores aspergit. Ancilla etiam conspecto dæmonum agmine gemitus, & vultus continere non poterant.

Trium horarum spatio insolens illa forma formidolosaque species templum omne turbauerat, cum Petrus jam sui & compos, & similiter ita fari coepit: In extremam mibi videor redactus miseriam, quem plebs cuncta famuli, & i. i. defugiunt: & quod est admirabilius. coniux ipsa perhorrescit, suaque mariti cane peius & angue euitat affectum. O me perditum, ac plane desperatum, cui uni posse hominum memoriam accedit, ut notos, ignotos, propinquos, alienos, domesticos, externos suo affectu, tamquam Cerberus alter vertat in fugam. Prodest subinde ab hominibus despici, & mundi ludibrio exponi. Quia, teste Isaia,

IV.  
ADMIRANDA  
PETRI CON-  
VERSIO, ET  
DEI MISEREO-  
CORDIA.  
UOX AISO

¶ 18. 19. vexatio intellectum dabit, & incipiunt, se ipsos agnoscere, quibus alij digitum intendunt ad illorum calamitatem. Nondum Petrus medicinam quaesuerat, incipiebat tamen sentire suum morbum. Vsus est occasione Dominicus. Nam postquam tempestiuia oratione pauentem populum, & crucis signa iterantem anhelitumque trahentem à timore recreauit, comitem suum F. Bernardum, ad lamentantem, plorantem, & se sine modo plangentem Petrum, cum mandato Rosarioque misit. Is, vice ac nomine Dominici ita eum est affatus: *Quacumque gradiaris, quoque te vertas, Orcus insequitur, populo id quidem spectante, & te, cuius id scire maxime intererat, nesciente. Sed tamen de peccatis tuis omnibus confitere, ac poenae à te ipso quam durissimas repepe: cape simul hoc Deipara Rosarium, & in eius salubri preicatione totus occupare: nisi vis, ut te terra debiscens absorbeat. Etiam quercus ex iictibus repetitis deiicitur. Quare & Petrus petra quavis huc usque durior, tandem est emollitus. Nam in primis Rosarium, quod antè non astimauerat, reuerente manu accepit; metuque etiamnum tremebundus in hæc verba respondit: Meo nomine, frater optime, renuntia Dominico, hoc eius munus mihi fuisse gratissimum: & quando meas miseras multò me vidit apertius, deo operam medicina faciendo: idque a me suppliciter postulari. Rosario accepto, ante Mariæ Deipara imaginem procubuit, illudque intermixtis lachrymis attente recitauit. Videte Dei Matrem; videte Advocatam nostram; videte Refugium peccatorum. Is qui tot annis iacuerat in sordibus omnium peccatorum, qui induruerat in mollitie, qui excæcatus fuerat avaritia atque libidine; qui de sua salute, de diuina misericordia, de Dei infinita bonitate desperauerat; unico Rosario in honorem Dei geneticis recitato, liquefactus est in lachrymas, mollitus ad poenitentiam, illuminatus atque erectus ad spem. Itaque ab oratione surgens illico ad D. Dominicum accurrit, atque totius anteactæ vitæ scelera expiavit. Audita huius peccatoris confessione, S. Dominicus Virginem Matrem, ad sententiam in tam difficiili caussa ferendam, inuocauit, eamque consuluit de modo poenitentie imponendæ: cuius suasu, præter alia, quæ tam publicè, propter exempli offensionem, quam priuatim occultis nefarijs flagitijs expungendis, cum facienda, tam patienda præscripsit; eum Rosarium quotidie, toto*

**Cap. V.** Petri conuersi exemplo ostenditur diuina clementia. 89  
toto reliquo vita decursu jussit persoluere. Postea à peccatis  
absolutum consolantibus verbis bene sperare docuit, atque in  
proposito confirmavit. In Dei justitiam & severitatem incurvaverat  
inquietus, sed Rosarij beneficio in misericordia sinu conq[ui]escis. Ad  
quod stabiliendum propositum, in Sodalitium adscribitur, ut  
aliena merita tibi egentissimo suffragentur. Paruit illico Petrus  
negati toties Christi dolore contabescens; gallijs cantu, id est, Domini  
nici voce correctus, seg[un]dum ipse propria manu in Sodalitatis tabula retulit,  
& catalogo ascripsit socrorum. Ne quis autem tardum esse Deum ad  
ignoscendum existimat, jam olim per Prophetam dixit: *Impietas  
impi non nocebit ei, in qua cum die conuersus fuerit ab impietate sua.*  
Cuius rei exemplum fuisse iam iste Petrus, nam illico judicium  
et quante Deo factum est, ut quicumque priùs miserrimam Petri  
seruitutem aspicerunt, tenebriamque circa eum spectra oberran-  
tia formidaran; jam tribus ornatissimis coronis, eiusdem pœni-  
tentis caput cinctum redimitumque palam intuerentur. Quid  
multa? hic Petrus antea tam sceleratus, cum postea, ex manda-  
to Confessarij, Rosarium Beatissimæ Dei Matri quotidie orando  
offerret, dignus habitus est eadem Dei Matre monente, mortis  
suæ horam præscire. Vultis adhuc aliquid maius? Ille despera-  
tus antea Petrus, ille à tot cacoetis & monibus vincitus peccator, tan-  
dem eò venit, ut cum animam ageret, Dei Matrem, immò ipsum  
Christum Deum de Deo haberet præsentem, atque contra Stygij  
tentatoris artes insidiasque protegentem. Ita pessimæ vita ho-  
mo, per pœnitentiam, à S. Dominico ductus est ad Mariae patro-  
cinium & tutelam, immò ad inauditam Dei clementiam & boni-  
tatem experiendam.

Multa vñq; differui de cauissis, ob quas ad pœnitentiam  
confugere debeamus. Mouere nos debent publicæ necessitates,  
more Italorum. Mouere debent propria delicta, quæ, nisi nos la-  
chrymis diluamus, vindictam diuinam exposcunt. Mouere se-  
uera Numinis atque immensa iustitia, quæ pro leui & breui volu-  
ptate æterna tormenta minatur, & infert. Mouere ipsa peccati  
turpitudo, quæ summam Deo, naturæ, nobis iniuriam impingit.  
Restat tamen, meo quidem judicio, his omnibus caussa adhuc  
maior, & apud omnes bonas mentes potentior, immò & apud  
ipso

Ezech. 33:11.

V.

INTER MVLTA  
POENITEN-  
TIAE MOTIVA  
CVR POTISSE  
MVM DIVINA  
BONITAS?